

2 Corintios

Ohõ saha ojoa ohoahye Pablo Corinto cjênare

1 ¹Yũhũ Pablo, Jesucristo yere buhe duti tiquiro cūrigũ ijiaja. Mari Pacũ tiquiro cahmediro saha cūri yũhũre Jesu. Yũhũ, mũsare Cohãcjũ yequinare, Corinto cjânare ojoa ohoaja. Ijipihtina Cohãcjũ yequinare Acaya cjânare mũsa gũhũre ojoa ohoaja. Mari acayũro Timoteo mehna quehnoa dutiaja mũsare. ²Sa yena Cohãcjũ mari Pacũ, mari puhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Pablo tiquiro ñano yũhdũrire ohõ saha ni yahuahye:

³Mari puhtoro Jesucristo Pacũro Cohãcjũ marine paja ihñare. Sa yero tiquiro dihita marine yedohore. Quehnoa yũhdũariquiro ijire tiquiro. ⁴Mari ñano yũhdũgũ ihñano ijipihtinare marine tiquiro yequinare yedohore tiquiro apequinare mari yedohoatire. Sa yena apequina tiquina ñano yũhdũgũ ihñana tiquina pehere yedohoro cahmene marine. Cohãcjũ marine tiquiro yedohoye mehna mari gũhũ tiquina gũhũre yedohonata. ⁵Cristo yequina mari ijiri buhiri mari ñano yũhdũgũ tiquiro tutuaro yedohorota marine. ⁶Usã pehe mũsare yedohona ñano yũhdũaja. Sa yena Cristo mehna mũsa yũhduatire mũsare usã yahuri buhiri ñano yũhdũaja. Sa yena Cristo usãre tiquiro yedohogũ usã pehe mũsa gũhũre yedoho masiaja. Sa yena usã ñano yũhdũriro sahata mũsa gũhũ ñano yũhdũna, quehnoano mehna ihcãno sahanata mũsa, yũhũ tũhotugũ. ⁷Quehnoano mehna mũsa ihcãno sahatire usã masiaja. Usã ñano yũhdũriro sahata ñano yũhdũri mũsa gũhũ. Sa yena Cohãcjũ tiquiro yedohoye mehna usã ihcãno sahariro sahata mũsa gũhũ ihcãno sahanata, yũhũ tũhotugũ.

⁸Usã acaye, yojoapũre ahri yũhũ yahuatire mũsa quehnoano masigũ usã cahmeaja. Asia yehpapũ ña yũhdũaro yũhdũe tii usã. Ohõ saha ni tũhotumi usã: “Ne yũhdũsi mari. Sa yena mari yarianata”, ni tũhotumi usã. ⁹Sa yena “Marine wejẽ cãeta”, ni tũhotumi usã. Sa ñano yũhdũna Cohãcjũ dihitare usã wacũ tutua nemou. Usãre tiquina ñano yegũ cahmeahye Cohãcjũ tiquirore usã wacũ tutua nemoatire. Tiquiro pehe yariariquinare masoriquiro ijire. Sa tiquirore wacũ tutuana usã esa tuharo usã ihcãno sahaerarire masiaja. Cohãcjũ marine yedohore. ^{10,11}Usãre cuaro yepegũta tiquiro yedohoro mehna

usã yũhdũũ. Camerũ gũhũre pari turi usãre yũhdũorota. Usãre Cohãcjũre mũsa sini basagũ tiquiuro usãre yedohorota. Usãre tiquiuro yedohoatire masiaja usã. Sa yena usãre tiquiuro yedohogũ ihñana, tiquiore “Quehnoare”, ninata mũsa. Peye mũsa sini basarire tiquiuro yũhtigũ ihñana bucue, “Quehnoare”, ninata mũsa Cohãcjũre. Peyequina apequina gũhu sata nieta.

Pablo Corintopũ tiquiuro waha duamedire yahuahye

¹²Sa yena mũsa mehna usã ijirire wacũna bucuere mehna ohõ saha tũhotuaja usã: Ahri yehparũ Cohãcjũ tiquiuro yedohoye mehna ñaũe marieno quehnoano mehna masare piti ti buhei. Mũsa pũritare quehnoano piti ti buhei. Ohõ saha yena usã esa tuhara yerũ. Cohãcjũ cahũe mehna tiquiuro tutuaye mehna sa yei. ^{13,14}Sa yena quehnoano yahu ojoaũ mũsare, quehnoano mũsa masiatire. Yojoũ usãre quehnoano masiedare mũsa. Usã ijije tiyere mũsa quehnoano masigũ tutuaro cahmeaja usã. Sa yena mari pũhtoro Jesu tiquiuro tojoa tagũ usã mehna bucuenata mũsa. Mũsa mehna usã bucuero sahata mũsa gũhu usã mehna bucuenata.

^{15,16}Ohõ saha nigũ Macedonia yehparũ waha duamaja yũhu. Sa yegũ mũsare ihña yũhdũ cã duamaja yũhu. Sa yegũ topũre esarigũ tojoa tagũ pari turi mũsa mehna meheũe decorigã ijiboaga yũhu. Sa yena pũa taha mũsa mehna yũhu ijigũ ihñana pajiro yũhu mehna mũsa bucuẽboaga. Mũsa caharũ ijirigũ Judea yehparũ yũhu wahagũ ihñana yũhũre yedohoboaga mũsa. ¹⁷¿“Wahautja”, yũhu nigũ tuhõrina ijina mũsa caharũ yũhu eseragũ ihñana “Pablo ni mehono nine”, ni tũhotuajari mũsa? “Wahautja”, nigũ yũhu esa tuhara sa nigũ niedaja yũhu. ¿“Tiquiro nidiro saha yerare”, yũhũre ni tũhotuajari mũsa? ¹⁸Ohõ saha ni mehõgũ ijieraja yũhu. Sa yegũ “Yeitja”, nigũ yũhu nidiro saha yeaja yũhu. Tire masine Cohãcjũ.

¹⁹Yũhu, Sila, Timoteo mehna Jesucristo Cohãcjũ macũno yere mũsare yahuu usã. Cristo pehe “Yeitja”, nino, poto yeriquiro ijero nine. Cohãcjũ tiquiuro nidiro sahata Cristo yere. ²⁰Ijipihtiyere Cohãcjũ tiquiuro yahurire Cristo ye pehoahye. Tiquiro sa yeriquiro ijigũ ihñana tiquiuro yere usã apequinare yahuaaja Cohãcjũre tiquina ño peoatire. ²¹Cristo yequina marine ijiducugũ yeriquiro Cohãcjũta ijire. Sa yero tiquiuro yere yahuanajare marine sõri tiquiuro. ²²Sa yero tiquiuro yequina mari ijiyere ihñano tire marine masigũ yere tiquiuro. Sa yero tiquiuro yaquiuro Espĩritu Santore mari mehna iji dutiri tiquiuro. Mari mehna ijero tiquiurota marine Cohãcjũ yũhdũoatore masigũ yere.

²³Yojoũre poto yahutja mũsare. Poto yũhu yahueragũ Cohãcjũ pehe mũsare poto yahuahro. Tiquirota yũhu tũhotuyere masine. Mũsare tuhti dueragũ mũsa caharũ wahaerũ. “Mũsare bujua wutigũ yeari”, nigũ mũsa caharũre Corintopũre wahaerũ. ²⁴Sa yena “Mũsare dutina ijijaja usã”, nina niedaja. Cristore quehnoano wacũ tutua tuhasari mũsa. Sa yena “Ohõ saha Cristore wacũ tutuaro cahmene mũsare”, nina niedaja usã. Mũsare quehnoano bucuẽgũ ye duaja usã.

2 ¹Sa yegũ ohõ saha ni tũhotuu: “Pari turi tiquinare bujua wutigũ ye dueraja. Sa yegũ yojoũre wahaeraja”, ni tũhotuu. ²Mũsare bujua wutigũ ye dueraja.

Musa bujua witiġ ihñagu yuhu pehe musare bucueraoaga. Sa yena yuhure bucueġ yeatina ijieraboaga musa pehe. ³Sa yegu musa cahapu wahaeru. Sa wahaeragu musare ihyo ojoau. Musa yuhure bucueġ yeatina ijiepenata yuhure bujua witiġ yeboaga musa, musa cahapu yuhu esagũ. Musa mehna yuhu bucueġ, musa gũhu bucuenata. Tire masiaja yuhu. Sa yegu yojopure musa mehna bujua witiġ dueragu wahaeru musa cahapu. ⁴Pajiro tuhutugu, ñano jeripohna tigu, tutuaro utigu musare ojoaepaguta musare bujua witiġ ye dueru. Musare tutuaro yuhu cahĩñene musare masigũ ye duagu musare ojoau.

**Corinto cjena mehna cjano tiquiro ñano yerire
bo dutiahye Pablo Jesu yequinare**

⁵Ihcãquiro musa mehna cjano yuhure bujua witiġ yeriquiro ijiri. Sa yeriquiro ijiepegũta musare tiquiro tutuaro bujua witiġ yeriro saha yuhu pehere pajiro bujua witiġ yerari tiquiro. Tiquiro sa ñano yepegũta pajiro waro buhiri dahre duti dueraja. ⁶Peyequina musa mehna cjena tiquirore buhiri dahre tuhasañohti. To punota buhiri dahre duhuro cahmene tiquirore. ⁷Tiquirore musa buhiri dahreducugũ tutuaro bujua witiġboaga tiquiro. Sa yero Cristo yere duhuboaga. Sa yena tiquiro ñaño yerire boya musa. Tiquirore yedohoya tiquiro bucueġ. ⁸Sa yena tiquirore quehnoano yeya musa tiquirore musa cahĩñene tiquiro masigũ. Musa sa yegũ tutuaro cahmeaja yuhu. ⁹To pano musare ojoagu “¿Potota yuhure yuhtietari?” nigũ sa ni ojoau musare. Yuhure musa yuhtigũ ihña duagu musare sa ni ojoau. ^{10,11}Yojopure tiquiro ñaño yerire musa bogũ ihñagu yuhu gũhu tire boutja. Yuhure ñano yerahye tiquiro. Musa pehere ñano yeahye. Tiquiro sa ijiepegũta tiquiro ñaño yerire boaja yuhu gũhu. Musare quehnoano yedoho duagu Cristo ihñonopũ tiquiro ñaño yerire boaja. Tire boaja Satana marine tiquiro yuhduducaeratire. Tiquiro marine ñañene yegũ cahmene. Tire quehnoano masiaja mari. Sa yena Jesu yequina tiquina ñaño yerire wacũducueraja mari, “Tiquinapũ Satana yere yeari”, nina.

**Troa wame tiri macapũ ijero Titore bocaeraro
pajiro bujua witi tuhutuahye Pablo**

¹²Sa yegu Troa wame tiri macapũ esau Cristo yere buhegu wahagu. Topũ yuhu ijigũ peyequina masa quehnoaño buheyere tuho duayequina ijiri. Mari puhtoro tiquiro yedohoye mehna tiquiro yere yuhu buheatiquina peyequina masa ijiri. ¹³Sa ijiepegũta mari acayũrore Titore bocaeragu pajiro bujua witi tuhutu. Sa yegu to cjenare cohe ti tuhasagu Macedonia yehrapũ wahaũ.

Cristo yedohoye mehna ñañene yeducueraja mari

¹⁴Sa ye Cohãcjũ pehe marine ñañene yeragũ yere. Cristo yequina mari ijigũ ihñano marine ñañene yeragũ yere. Sa yegu Cohãcjũre bucue, “Quehnoare”, niaja. Sa yena Cohãcjũ marine tiquiro dutigũ masina ijipihtiropũ Cristore masare masigũ yeaja mari. Sa tiquirore masiño tiquina quehnoano tuhutore.

15Cristo yequina ijina, Cohãcǵũ pehere bucuegũ yeaja mari, ehme sitiye mari bucuerdo saha. Sa ye Cristo yequina mari ijiyere ihña masine apequina Cohãcǵũ yãhdũoatiquina. Apequina tiquina ñãñe buhiri pecapũ wahatiquina gũhũ Cristo yequina mari ijiyere ihña masine. 16Cristo yequina mari ijigũ ihñañe, tiquina ñãñe buhiri pecapũ wahatiquina pehe pecapũ tiquina wahatire masine. Cohãcǵũ yãhdũoatiquina pehe marine Jesu yequinare ihñañe, ijipihtiyere decori tiquire mehna tiquina ijiatire masine. Sa ye Cristo ye ihyo ijye buheye ijierare. Sa yero ahrire Cristo yere ihcãquiro esa tuharo buhe sohorti tiriquiro ne mariedare. Cohãcǵũ yedohoro mehnata tiquire yere mari buhe masiaja. 17Peyequina apequina Cohãcǵũ yere buhemene niñerure wapata duaye. Usã pehe tiquina yero saha yeraja. Ni mehono marieno Cristo tutuaye mehna tiquire yere buheaja usã. Cohãcǵũ usãre cũgũ tiquire ihñonopũ quehnoano buheaja usã.

“Ohõ saha yeitja”, Cohãcǵũ ni cũrire wahma buheyere yahuahye Pablo

3 1¿Pari turi usã ijye tiyere musare yahuna nijari usã, musa tuhutogũ? Apequina musare tiquina buheato pano tiquina ijye tiyere masi duana tiquina ojoari pũre cahme muhtari musa. Usãre masi tuhasari musa. ¿Usãre masiepenata ti pũ borore cahmeajari musa? ¿O apequina cahapũ usã buhena wahana ti pũ borore usãre neno cahmeajari, musa tuhutogũ? 2Ti pũ borore cahmedaja usã. Musa pehere ijipihtiyequina apequina ihñañe musare usã quehnoano buherire masieta. Musare usã buhegũ Cristo yequina iji dũcari musa. 3Cristo yequina musa ijigũ ihñañe masa musare Cohãcǵũ ye buheye warore usã queoro buherire masi tuhasare. Musare buhena Cohãcǵũ yaquiro Espĩritu Santo tiquire yedohoye mehna buhei. Tiquire Cohãcǵũ catiriquire waro ijire. Usã sa buhegũ tuhona Cristore quehnoano cahmedi musa. Sa cahmena musa ijigũ apequina musare ihñañe Cristo yequina musa ijiyere quehnoano masine. Sa masiñe musare Cohãcǵũ ye buheye warore usã queoro buherire masine masa.

4Ahrire ijipihtiyere tuhutuaja usã Cohãcǵũre quehnoano wacũ tutuana. Cristo tiquire yedohoye mehna sa wacũ tutuaducujaja mari. 5-6“Usã esa tuharo ahri dahrayere yeaja usã”, ni masiedaja usã. Cohãcǵũ tiquire yedohoye mehna ye masiaja usã.

Yojopãre tiquire yahuyere quehnoañe buheyere Cohãcǵũ pehe quehnoano usãre buhe masigũ yere. Ahri buheye panopũ tiquire dutiye tiquire ojoari yero saha ijierare. Quehnoañe buheye pehere buheaja usã. Panopũ tiquire dutirire mari esa tuharo ne ye masiedaja. Sa mari ye masiedari buhiri pecapũ wahaboya mari. Quehnoañe buheye pehere tuhona Cristore wacũ tutuaja. Sa yena ijipihtiyere decori Cohãcǵũ mehna ijinata mari. 7Cohãcǵũ tiquire dutiyere ẽtã pñĩnipũ ojoaro Moiserere cũahye. Tiquire sa cũri bato tiquire asi siteye bajuahye. Moise wũhdoa asi siteahye. Asi site yũhdũahye. Came ti asi siteye pihtia wahahye. Came ti asi siteye pihtia wahati ijiepegũta coã warore tiquire wũhdoare masa ne ihñadoque ohõ masiedahye. Ti dutiyere masa tiquina ye

pehoerari buhiri pecapũ wahatiquina ijiahye. Sa ye ti dutiye masare pecapũ waha dutiepeta, tutuaro asi siteye mehna iji dũcahye ti dutiye.

⁸Ti dutiye yũhdũoro quehnoañe buheye pehe quehnoa yũhdũare. Ahri buheyere apequinare mari buhegũ tiquina quehnoano tũhogũ Espĩritu Santo tiquina mehna ijirota. Sa ye panopũ cjẽ dutiye yũhdũoro Cristo ye pehe quehnoa yũhdũare. ⁹Cohãcjũ dutiye panopũ cjẽ masare pecapũ waha dutiahye. Sa dutieperota Cohãcjũ tutuaye mehna tiquiro asi siteye mehna iji dũcahye. Ti yũhdũoro quehnoañe buheye pehe Cohãcjũ tutuaye mehna ijire. Ti buheye mehna quehnoañequina wahare masa, Cohãcjũ ihñagũ. ¹⁰Panopũ Cohãcjũ tiquiro dutiri pehe ihyo ijiye dutiye yero saha tojoa cãhre yojopũre quehnoañe buheye mehna mari ihña piti cagũ. Quehnoañe buheye pehe quehnoa yũhdũare. Ti buheye mehna ùhmũsepũ mari waha masiaja. ¹¹Panopũre tiquiro ye dutiye yoa cjũri pje asi siteye ijiducume, pihtia wahahye. Ti dutiye yũhdũoro quehnoañe buheye pehe quehnoa yũhdũare. Ti buheyere quehnoano tũhona, Cohãcjũ mehna sa ijiducunata.

¹²⁻¹³Mari sa ijiducuatire masina, cuero marieno quehnoañe buheyere quehnoano yahu peho cjã usã. Moise pehe usã yero saha ijierahye. “ Cohãcjũ asi siteye pihtiro nine’, Israe masa ni ihñari”, nino, tiquiro wũhdoare cahmotahye Moise. Bue tiro sa cahmotahye. Tiquiro yee tiriro saha bue tieraja usã pehe. Sa yena cuero marieno tiquiro yere quehnoañe buheyere buheaja. ¹⁴Ti pjerũ cjẽna Israe masa pehe ne masieda tiahye. Yojopũ gãhũre Cohãcjũ yere panopũ tiquiro ojoari pũrine tiquina buheye, ne masiedare. Moise tiquiro wũhdoare cahmotagũ Cohãcjũ asi siteyere tiquina ihñadoque ohõedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacũ tutuari bato, tiquiro yere masieta.

¹⁵Yojopũ gãhũre Israe masa Cohãcjũ dutiye Moiserẽ tiquiro cũrire buheye, tiquinare cahmotaro saha ne masiedare tiquina. ¹⁶Mari pehe mari pũhtorore cahmegũ tiquirota marine masigũ yere. Moise tiquiro wũhdoa cahmotariroro tiquiro ne cãboriro saha mari pũhtoro marine tiquiro yere quehnoano masigũ yere. ¹⁷“Mari pũhtoro”, nigũ Espĩritu Santore nigũ niaja. Cohãcjũ yaquiro Espĩritu mari mehna tiquiro ijigũ pecapũ wahaborinare tiquiro yũhdũorina ijiaja. Sa yena “Panopũ cjẽ dutiye mehna mari yũhdũnata”, niedaja mari. Sa yena ti dutiyere duhuna, Espĩritu Santo ye dutiye pehere yeaja mari. ¹⁸Sa yena Jesu yequina ijina, Cohãcjũ yere masiaja mari. Tiquina wũhdoa pacare cahmotamehneñequina yero saha Cristo tutuayere ihñona niaja mari. Sa yero mari pũhtoro Espĩritu Santo marine quehnoañe pehere comesagũ yere. Tiquiro sa yegũ Cristo quehnoa yũhdũariquiro tiquiro ijiro saha wahana niaja mari.

4 ¹Sa ye Cohãcjũ usãre paja ihñano, quehnoañe buheyere yahuanajare cũri usãre. Tiquiro sa cũgũ masina, tiquiro yere buhena caributieraja usã. ²Tiquiro yere buhena ni meje cũ buheraja. Sa yena usã tire comesaeraja. Sijoro saha cjũnogã buhena bũoro yũhdũboaga. Sa yena tire buhe dueraja. Cohãcjũ ihñonopũ ijiaja usã. Sa yena quehnoañe buheyere quehnoano poto buheaja usã.

Usã sa buhegũ ihñañe tire quehnoano masine usãre ihñañequina waro. ³Usã buheyere quehnoañe buheyere buheaja usã. Usã tire buhepegũta apequina ne tuho duerare. Sa tuhoeyequina pecapũ wahatiquina ijire. ⁴Satana ñariquiro ahri yehpa cjẽna pũhoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiquiro. Cristo pehe Cohãcjũ ijije tiyere marine masigũ yere. Tiquiro Cristo Cohãcjũ waro ijire. ⁵Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari pũhoro”, ni buheaja usã. Usã pehe Jesure yahtina ijijaja usã. Sa yena m̄sare yedohojaja usã. ⁶Panopũ ohõ saha niahye Cohãcjũ: “Nahitianopũre buhrioro ijijaja”, ni, dutiahye tiquiro. Yojopũre tiquirola ijire marine tiquiro tutuayere masigũ yeriquiro. Buhrioro marine ti ihñagũ yero saha, tiquiro tutuayere marine masigũ yere. Cristo Cohãcjũ tutuayere marine masigũ yere.

Cristo tutuaye mehna mari ijijaja

⁷Sa masina ijina, tiquiro tutuayere apequinare masigũ yeaja. Sa yena ijiepenata tutueraja usã. Dili sutu duita wahtiro ti butiro saha usã gũhũ tutueraja. Sa ijiepenata Cohãcjũ tutuayere apequinare buheaja usã. Usã sa tutuerapenata tire buheaja usã. Usã sa buhegũ ihñañe usãre “Tiquina esa tuharo ahri buheyere masiedare. Cohãcjũ pehe tiquinare masigũ yere”, ni masieta apequina usãre. ⁸Ijipihtiyequina apequina usãre ñano yepeta Cohãcjũ usãre tiquiro yedohogũ tiquina usãre yũhdũducaerare. Sa yena usã caributiepenata, Cohãcjũ yere ne yahu duhueraja. ⁹Usãre tiquina ñano yeducuepegũta Cohãcjũ usãre sa yedohoducure. Usãre tiquina quẽdoque cũ m̄jjaepẽgũta tiquiro yedohoye mehna yarieraja usã. ¹⁰Tiquina wejẽatina ijinata nijaja usã, Cristo ahri yehpapũ tiquiro ñano yũhdũriro saha. Tiquina wejẽatina ijiducuna nijaja usã Cristo catiducugũ yeriquiro tiquiro ijijere masa tiquina masiato saha. Usã sa ñano yũhdũgũ ihñañe tire masieta masa.

¹¹Sa ye decoripe usãre apequina wejẽno cuarĩne Cristo yequina usã ijiri buhiri. Ohõ sahata ñano yũhdũaja usã Cristo catiducugũ yeriquiro tiquiro ijijere apequina tiquina masiato saha. Usã paguri came yariaa waharota. Usã sa wahatina ijiepenata Cristore catiducugũ yeriquirore masigũ yeaja usã apequinare. ¹²Sa ye m̄sare usã buheri buhiri usã pehere apequina wejẽno cuarĩne. Usã buheyere m̄sa tuhori bato ijipihtiye decori Cohãcjũ mehna ijiatina ijire m̄sa.

¹³Cohãcjũ yere tiquina ojoari pũpũ ohõ saha nine: “Cohãcjũre wacũ tutuagũ, tiquiro yere buhei”, ni ojoahye panopũ cjũno. Usã gũhũ sata yeaja. Cohãcjũre wacũ tutuana, tiquiro yere buheaja. ¹⁴Ahri yũhũ niati gũhũre quehnoano masiaja usã: Cristo yariari bato Cohãcjũ tiquirore masoahye. Sa yero Cristo yequina mari ijigũ ihñano tiquiro mari gũhũre masonota. Tiquiro sa masori bato tiquiro cahapũ neanota marine. ¹⁵Sa yena m̄sare yedoho duana, ñano yũhdũaja usã. Sa yena Cristo yequina m̄sa peyequina wahana, peyequina m̄sa Cohãcjũre bucueye mehna ño peonata. Tiquirore “Quehnoare”, ninata.

¹⁶Musa sa wahagũ ihñana, usã ñano yũhdũepenata bujua witeraja. Sa yena Cristo yere buhe duhueraja. Usã pagũ tutuaye decoripe pihti cãno nine. Usã tutuaye sa pihti cãpegũta quehnoano jeri sajãja usã. ¹⁷Yojopũre ñano yũhdũepenata ñano yũhdũ dojoeraja. Ti mari ñano yũhdũye pihtia waharota. Sa yena marine mehenogã ñano yũhdũero cahmene. Sa mari ñano yũhdũarina ijina, camepũre tutuaro bucueye mehna ijiducunata Cohãcjũ mehna. Sa yena mari ñano yũhdũari yũhdũoro pajiro bucueye mehna ijiducunata. ¹⁸Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcjũ yere sa wacũducujaja mari. Sa yena camepũ mari quehnoano ijiatire bucueaja.

5 ¹Wũhũre tiquiro cohãboriro saha came mari pagũri pehe butia waharota. Sa yero wahma wũhũre tiquiro yeboriro saha Cohãcjũ wahma pagũrire yerota. Sa yero ti pagũrire marine ohorota. Ti pagũri masa tiquina yeri pagũri ijierare. Sa yena uhmũsepũ sa ijiducunata ti pagũri mehna. Tire mari masiaja. ²Sa yena ti pagũrire uhmũse cjẽ pagũrire tutuaro cahmena, mari sa cohteducuna niaja. ³Suhtirore tutuaro mari saña duaro saha ti pagũrire tutuaro cahmeaja mari. Sata cohteaja mari pagũri mariena iji duerana. ⁴Yojopũre ahri pagũrire cohã duerapenata wahma pagũri pehere tutuaro cohteaja mari. Yojopũre mari pagũrire cohã duerapenata ijipilhtiyẽ decori Cohãcjũ mehna mari ijiatire tutuaro cahmeaja mari. Sa yena ahri mari pagũri yariati pagũri ti ijigũ masina, wahma pagũri mehna Cohãcjũ mehna sa ijiducu duaja mari. ⁵Mari sa ijiducuatire quehnoahye Cohãcjũ pehe. Sa quehnono tiquiro yaquiro Espĩritu Santore ohori marine. Sa yero tiquiro yaquiro Espĩritu Santo mari mehna ijiro, marine Cohãcjũ tiquiro yeatire “Poto tjire”, nino, marine masigũ yere tiquiro.

⁶Sa yena Cohãcjũre wacũ tutuaducujaja mari. Cuero marieno ijiaja mari. Ahri mari iji muhtari pagũpũ ijina, mari puhtoro mehna ijieraniaja. ⁷Uhmũse cjẽne Cohãcjũ gũhũre mari ihñedapenata “Ti potota ijire”, ni tuhotuaja mari. Sa yena tiquirore wacũ tutuaja mari. ⁸Sa yena mari cueraja. Mari pagũrire ahri yehpapũ cohãna mari puhtoro mehna uhmũsepũ ijiducunata mari. Sa yero mari yariagũ quehnoanota marine. ⁹Sa yena Cristore bucuegũ ye duaja mari. Ahri yehpa cjã pagũ mehna ijinina tiquirore bucuegũ ye duaja. Uhmũsepũ gũhũre tiquirore bucuegũ ye duaja. ¹⁰Ijipihntina Cristo cahapũ mari wahagũ ihñano tiquiro mari yerire ihñano marine beserota. Ñano mari yerire masinota tiquiro. Sa masino marine tiquiro ohoborire marine ohosi tiquiro. Quehnoañene mari yeri gũhũre masinota. Sa masino bucuero marine quehnoano yerota. Tiquiro sa masidiquiro ijigũ ihñana tiquirore bucuegũ ye duaja mari.

Cohãcjũre mari ihña tuhtigũ ihñano Cristo pehe marine bosare

¹¹Sa yena cua pesaro mehna Cristore ño peoro cahmene marine. Tire masina, Cristo yere masigũ yeaja usã masare. Tiquinare cuesãna, tiquirore wacũ tutuagũ ye duaja usã tiquinare. Quehnoano mehna tire usã buherire Cohãcjũ quehnoano masine. Usã sa buherire musa gũhũre quehnoano masigũ cahmeaja yũhũ. ¹²Pari

turi quehnoana usã ijije tiyere musare yahuna niedaja. “Apequinare yuhducacaja”, niñequinare musa yahuati pehere quehnoano mehna usã buherire yahuna nijaja usã musare. Tiquina pehe tiquina wacũñepu ñañequina ni mehoñequina ijiepetata masa tiquina ihñono dihita quehnoañequina yero saha ye ihñomene. Sa yena usã mehna musa bucueati pehere ahri ijipiltiyere musare yahu ojoana nijaja. “Pablo gũhu usãre quehnoano mehna buhere”, usãre apequinare musa ni cahmotati pehere ahri ijipiltiyere musare yahu ojoana nijaja. ¹³ Usã ohõ saha ni yahuna tuho masiena ijijari usã, musa tuhutugũ? Masa usãre ihñañe, tuho masieñequina yero saha ihñare usãre. Cohãcjũ yere usã yegũ ihñañe sa ihñaboaga usãre. Sa tiquina ihñanohrina ijiepenata sa ijina ijieraja musare yedoho nemonata tana.

¹⁴ Cristo marine tiquiro cahĩgũ ihñana musare sa yedohoaja. Tiquiro sa cahĩgũ ihñana tiquiro yere sa yahuducujaja usã. Ihcãquirola Cristo ijipiltina mari ñañe buhirire yariari jiri. Tiquiro sa yariari bato mari pehe ijipiltina mari ñañe buhirire yariariquina yero saha ijijaja. Tiquiro buhiri dahre tuhasariquina yero saha ijijaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohãcjũ. ¹⁵ Ijipiltina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mujari jiri. ¹⁶ Sa yena yojopure usã esa tuharo masare “Quehnoañequina ijire. Ñañequina ijire”, ni ihñedaja usã. Panopũ usã esa tuharo yee timi. Sa yena Cristore masieda. Yojopure Espiritu Santo yedohoye mehna tiquirore quehnoano masi tuhasaja. ¹⁷ Sa yena Cristo yequina wahana quehnoañe pehere yena wahaja mari. Panopũ mari esa tuharo mari yemedire duhu cjã mari. Yojopure quehnoañe pehere comesana tire yeaja mari.

¹⁸ Cohãcjũ pehe marine quehnoañe pehere comesagũ yeri. Cohãcjũre ihña tuhtina mari ijigũ ihñano Cristo pehe mari ñañene cohãri. Sa cohãno mari ihña tuhtiyere duhugũ yeri tiquiro. Sa yegũ yeri Cohãcjũ Cristore. Sa yero usãre tiquiro yere buhe dutiro cũri. Sa buhena, apequinare Cohãcjũ mehna tiquina ihña tuhtire duhugũ yeaja usã gũhu. ¹⁹ Ohõ saha masare yahu dutiri Cohãcjũ usãre: “Cristore mari wacũ tutuagũ ihñano mari ñañe buhirire buhiri dahrerare Cohãcjũ marine. Sa yero marine ihña tuhtiriquiro ijieperota tiquiro marine tiquiro yequina ijigũ yere”, ni yahu dutiri Cohãcjũ usãre. ²⁰ Sa yena Cristo yere buheanaja tiquiro cũrina ijijaja usã. Cohãcjũ musare tiquiro yahuboriro saha usã pehe ohõ saha ni musare yahujaja: Cristore yahu basana nijaja. Sa yena musare ihña tuhtieragũ yeaja. Cohãcjũre musa ihña tuhtiyere to punota duhuya. ²¹ Cristo tiquiro ñañene yerapegũta Cohãcjũ pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohãcjũ tiquiro pehere. Sa yero Cristo yequina mari wahagũ Cohãcjũ yero saha quehnoana marine ijigũ yere tiquiro.

6 ¹ Cohãcjũre yedohona ijijaja usã. Sa yena ahrire tutuaro musare ye dutiaja usã. Cohãcjũ yere quehnoañe buheyere musa tuhoriro sahata yeya musa. Musa tuhoriro sahata musa yeragũ ti musa tuhori duhseati ijierare. ² Ohõ saha nine Cohãcjũ:

Musare yũhu quehnoano yeati pjere musa siniñene tuho yũhtiitja. Sa yegũ musare yũhu yũhdũoati decore musare yedohoutja, nine tiquiro. Tuho ya musa. Yojoþure Cohãcjũ musare tiquiro quehnoano yeati pje ijire. Yojoþure Cohãcjũ musare tiquiro yũhdũoati deco ijire.

³Ne mehenogã apequinare ñano yeraja usã. Apequinare ne ñano ni yahuducueraja, “Quehnoañe buheye pehere cahmedari”, nina. ⁴Sa yena Cohãcjũ cahacjãna usã ijiyere musare masigũ ye duaja. Sa yena ohõ saha ijiaja usã: Ñano yũhdũna, apee borore cwoerana sa tuhotu cjã. Usãre tiquina ñano yepegũta usuaro marieno ijiaja. ⁵Ohõ saha ñano yũhdũũ usã: Masa usãre quẽgũ, peresu tiquina yegũ, peyequina masa usãre wejẽ duagũ tiquina sañuducugũ ñano yũhdũũ usã. Usã tutuaro dahra wahyia yũhdũna, wũjua puriepegũta cariedana, ujuã ahbana ñano yũhdũũ. ⁶Numia mehna ñano yerũ. Sa yena Cohãcjũ yere quehnoano masiñe mehna buhei musare. Sa yena ne usuerũ usã. Sa yena quehnoano cahĩñe mehna yei usã musare. Sa yena Cohãcjũ cahacjãna usã ijiyere musare masigũ yena nii usã. Espiritu Santo tiquiro yedohoye mehna Cohãcjũ cahacjãna usã ijiyere masigũ yena nii musare. Sa yena poto musare usã cahigũ ihñana, tiquiro cahacjãna usã ijiyere masine musa. ⁷Sa yena quehnoañe buheyere musare poto usã buhegũ ihñana, Cohãcjũ tutuaye mehna usã yegũ ihñana tiquiro cahacjãna usã ijiyere masine musa. Quehnoañe pehe ijipilthiye usã yeri usã wamoa yero saha ijire quehnoano usã cahmotati pehe. Tire quehnoañene yena wafĩnore usã cahmotana niaja. Sa yena ti quehnoañene usã yeri mehna tiquirore usã yũhdũdũcaja.

⁸Apequina usãre ño peore. Apequina pehe usãre ño peerare. Apequina ñano ni yahuducure usãre. Apequina pehe quehnoano ni yahuducure usãre. Poto usã buhepegũta “Ni mehoñequina ijire”, ni yahusãre apequina usãre. ⁹Apequina usãre ihña masiñequina yero saha yere. Ihquẽ tahari usãre masiñequina yero saha yere. Usãre tiquina wejẽ duepegũta catiniaja usã. Ihñaña usãre. Ijirota ijire. Tiquina wejẽ dutinohrina ijiepenata, yarieraniaja usã. ¹⁰Usã ihquẽ tahari bujuã witina ijiepenata, sa bucueducaja. Pejecũona ijiepenata apequinare quehnoañe buheyere buhena tiquinare pajiro doeri cjẽne usã ohoboro saha yena niaja tiquinare. Apee boro cwoena ijiepenata, potota Cohãcjũ ye pehere cwo peho cjã usã.

¹¹Ne Corinto cjãna yũhu acaye, musare quehnoano mehna yahu peho ojoau usã musare. Musare tutuaro cahĩna, sa yahuu musare. ¹²Usã pehe musare cahĩ duhueraja. Musa pehe usãre cahieda cjũre. ¹³Sa yegũ pohna tigũ yũhu pohñare yũhu yahuboro saha musare yahutja: Musare usã tuhoturiro sahata musa gũhu sata quehnoano tuhotuya usãre. Sa yena usãre cahĩna musa.

Cristore cahmeeñequinare piti ti dutierahye Pablo

¹⁴Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare musa. Quehnoañene yeriquiro ñañene yeriquiro mehna quehnoano iji masiedare. Cohãcjũre cahmeeñequina Cohãcjũre cahmeeñequina mehna quehnoano cahme piti ti masiedare. ¹⁵Sa yero

Cristo watĩno mehna ihcãno saha tũhotuerare. Sa yero Cristo yaquiro, Cristore cahmeediquire mehna quehnoano cahme piti ti masiedare. ¹⁶Cohãcjũ wũhũpũ “Cohãcjũ ijire”, tiquina niñe queoyere mari cũogũ ñarĩne. Ti wũhũpũ ti queoyere mari cũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gãhũre ñarĩne. Ti cururi pũa curua ihcãno mehna iji masiedare. Cohãcjũ catiriquiro tiquire ya wũhũ yero saha ijiaja mari. Ti wũhũpũ tiquire ijiro saha mari mehna ijire tiquire. Ohõ saha nine Cohãcjũ:

Tiquina mehna ijigũtja yũhũ. Sa yegũ tiquina watoa sa iiducugũtja.

Yũhũ Cohãcjũ tiquina pũto ijigũtja. Sa ye tiquina pehe yeequina masa ijietã, nine tiquire.

¹⁷Sa yero ohõ saha ni nemore tiquire mari pũtoro:

Ñañequina mehna tojoeracãhña. Sa yena tiquinare piti tieracãhña.

Cristore cahmeeñequinare tiquina ñañene ne piberacãhña. Sa yegũ yũhũ pehe mũsare piti tigũtja. ¹⁸Sa yegũ mũsa Pacũ ijigũtja.

Mũsa pehe yũhũ pohna ijinata, nine Cohãcjũ mari pũtoro tutua yũhũariquire.

7 ¹Yũhũ acaye, yũhũ cahĩna, mũsare ahrire yahutja: Ahri ijipihyere Cohãcjũ tiquire sa ni yahugũ tũhona ijipihyere mari ñañene yeyere duhuuhna. Sa yena mari ñañene wacũñe gãhũre duhuuhna. Sa yena Cohãcjũre quehnoano ño peoye mehna ñano yero marieno ijiihna mari.

Pablo bucueye mehna yahuahye Corinto cjẽnare

²Quehnoano mehna ijiaja mũsa usã mehna. Ne mehenogã mehna ñano yerũ usã mũsare. Sa yena usã buheye mehna mũsare ñano yegũ yerũ usã. Ne ihcãquiro mũsa mehna cjũnore ni mehoñe mehna wapa cahmedũ. ³Sa nigũ “Usãre wapa yerari. Sa yena buhiri tina ijire mũsa”, nigũ niedaja mũsare. Mũsare yahu tuhasaũ. Mũsare cahĩaja usã. Catinina ihcã curuata ijiaja mari. Mari yariari batopũ gãhũre ihcã curuata ijinata mari. ⁴Quehnoano mũsa yerire masiaja yũhũ. Sa yegũ mũsare wacũdoqueogũ bucueaja. Sa yena usã ñano yũhũari watoa mũsa pehe yũhũre pajiro bucuegũ yeri.

⁵Sa ye Macedonia yehparũ usã esari bato topũ ijina, ne soerũ usã. Topũre ñano yũhũũ usã. Apequina usã mehna cahmeque duari. Sa yena “Cristo yere duhuari”, nina Cristo yequina pehere cuesã nii usã. ⁶Usã sa ñano yũhũrepegũta Cohãcjũ usãre bucuegũ yeri. Tiquire bũjua witiyequinare bucuegũ yeriquiro ijire. Sa yero Tito usã cahapũ tiquire wihiro mehna usãre bucuegũ yeri Cohãcjũ. ⁷Tito wihigũ ihñana bucuei. Ahri gãhũre bucuei. Mũsare tiquire qiti yahugũ gãhũre tutuaro bucuei usã. Yũhũre mũsa ihña duarire yahuri usãre. Yũhũre mũsa wacũe ti bũjua witiĩre gãhũre yahuri tiquire. Tiquire sa ni yahugũ tũhogũ tutuaro bucuei yũhũ.

⁸To pano yũhũ ojoari pũ mehna mũsare bũjua witiĩre yemi. Sa yerigũ ijiepegũta bũjua witiĩre yũhũ pehe. Ti pũre mũsa buheri bato bũjua witiĩre mũsa. Sa yena mehenogã bũjua witi, duhuũre mũsa. Sa yegũ coã ojoa mũhtagũ

bujua witipeguta yojopure bujua witieraja. ⁹Yojopu pūritare bucueaja yuhū. Mūsa bujua witiḡū tuhogu bucueraja. Sa ijiepegūta sa bujua witina, quehnoañe pehere comesañohti mūsa. Sa yero mūsa bujua witiḡū ihñano, Cohācjū pehe mūsare quehnoañene comesagū yere. Sa yena mūsare bujua witiḡū yena, ñano ye dojomehna niedu usā mūsare. ¹⁰Sa yena Cohācjū tiqiro cahmeno saha bujua witina, mari ñañene bujua witinata. Quehnoañe pehere comesanata. Sata mari bujua witiḡū ihñano marine pecapu wahaborinare yuhdūore Cohācjū. Mari sa bujua witiḡū quehnoañe marine. Cristore cahmeeñequina pehe tiquina ñañene bujua witiapeta, sa bujua witi maca cā, pecapu wahatiquina ijinine.

¹¹Mūsa pehe Cohācjū tiqiro cahmeno saha bujua witiñohti. Mūsa sa bujua witina ohō saha yeñohti mūsa: Yojopure ñañene yeyequinare sa ihña cādañohti mūsa. Tiquinare duhu dutiñohti mūsa. Sa yena tiquina ñañe yeyere cueñohti mūsa “Tiquina yero saha yeari”, nina. Sa yena yuhūre ihña duañohti mūsa. Sa yena ñañene yeriquirore buhiri dahre duañohti mūsa. Ti ijipiltiyere mūsa yena yojopure pototo yena mūsa ijiyere masigū yeri mūsa usāre. ¹²Panopu ñano yeriquirore mūsare yahu ojoaepēguta tiqirore yedohogu tagu sa ni yahu ojoaeru. Tiquiro ñano yenhriqiro gūhūre yedohogu tagu sa ni ojoaeru. Mūsa pehere yedohogu tagu ti pūre ojoau. Usāre quehnoano ño peore mūsa. Tire mūsa ño peorire quehnoano mūsa masiatire ti pūre ojoau mūsare. Cohācjū tire mūsare masigū cahmene. ¹³Sa yena Tito mūsa yerire tiqiro quiti yahugū tuhona tutuaro bucuei usā.

Tito gūhū tutuaro bucueri. Tiquirore mūsa quehnoano mehna mūsa piti cagū tuhona, mūsa mehna tiqiro bucuerire tuhona usā gūhū quehnoano bucuei. ¹⁴Coā waropu mūsa cahapu tiqiro wahato pano mūsa mehna yuhū bucuerire, quehnoana mūsa ijirire yahuu tiqirore. Sa yena yuhū nidiro sahata quehnoano yeñohti mūsa tiqirore. Sa yegu tiqirore yuhū nidire bue tieraja. Mūsare pototo sa yahuducuaja usā. Ohō saha Tito gūhūre pototo usā yahuu mūsare tiqiro ihñariro saha. ¹⁵Mūsa cahapu tiqiro esagū ño peoye mehna tiqirore piti cañohti mūsa. Sa yena quehnoano yuhūna yuhduducaro mariena mūsa ijigū ihñañohti tiqiro. Sa yero mūsare cahī nemore tiqiro. ¹⁶Yojopure quehnoano yuhūna, Cohācjū cahmeno saha mūsa quehnoano ye pehona mūsa ijigū quehnoano masiaja yuhū. Sa masigu tutuaro bucueaja.

Cristo yequina ijina, pejecñoyequinare sa oho cāno cahmene marine

8 ¹Usā acaye, ahri yuhū yahuatire mūsare masigū cahmeaja usā. Cristo yequina Macedonia yehpa cjēna Cohācjū cahīne mehna tiqiro paja ihñañe mehna tiquina yerire mūsare yahutja. ²Tiquina ñano yuhdūepeta, niñeru marieñequina ijiepetata cahīno marieno sa oho cāhri pejecñoyequinare Jesu yequinare. Cristo mehna tutuaro bucueyequina ijie, tiquina Judea yehpa cjēnare quehnoano mehna tiquina cñoyere sa oho cāhri. ³Mūsare niita niaja. Tiquina cñoro puno ohori. Ijierare. Bui cjūnogā ohori. Usā sini basaerapegūta pejecñoyequinare ohori tiquina. ⁴Cohācjū yequinare pejecñoyequinare tutuaro yedoho duaye, tiquinare tiquina ohoatire nea dutiri usāre. ⁵“Ohō puno ohoeta”,

tiquinare usã ni tãhoturiro bui cjũnogã ohori tiquina. Ohõ saha yeri tiquina: Coã warore niñerure tiquina ohoato pano mari pũtoro Cristo cahmeno saha ye pehori jiri tiquina. Sa ye Cohãcjũ cahmeno saha usã gãhũre ño peoye mehna yũhtiri jiri. Sa yeyequina ijiye tiquina niñerure ohori.

⁶Tiquina sa oho tuhasagũ ihñana Titore usã pehe ohõ saha nii: “Corinto cjẽnare mũhu buhe dũcariro sahata quehnoano mehna pejecũoyequinare tiquina ohoatire buhe pehoya”, nii usã tiquiore. Mũsa gãhũ apequinare paja ihñana, mũsa yedohoatire sa nii tiquiore. ⁷Sa yena mũsa pehe ijipihtiyere quehnoano yena iji tuhasare: Cristore potota quehnoano wacũ tutuare mũsa. Sa yena tiquiore yere quehnoano yahure mũsa. Sa yena Cohãcjũ yere quehnoano masine mũsa. Sa yena Cohãcjũ cahmeno saha tutuaro ye duare mũsa. Sa yena usãre cahĩne mũsa. Ohõ saha quehnoano yena iji tuhasare mũsa. Mũsa sa quehnoana ijiepegũta mehenogã dũhsare mũsare. Pejecũoyequina pũritare mũsa paja ihñagũ cahmeaja usã. Sa yena cahĩno marieno tiquinare quehnoano mehna mũsa pajiro ohogũ cahmeaja usã.

⁸Sa nigũ mũsare dutigũ niedaja. Sa ni yahugũta niaja mũsare. Apequina pejecũoyequinare tiquina tutuaro yedohorire mũsare yahugũ niaja. “¿Potota paja ihñana ijijari mũsa?” ni, masi duagũ niaja. ⁹Mari pũtoro Jesucristo pehe marine tiquiore paja ihñarire masine mũsa. Ti ijirota ijire. Tiquiore mũhũsepu pajiro cũoriquiro ijieperota ahri yehpũpũ ahtarõ pejecũoriquiro wahahye. Sa yero mari ye ijiatire yariaro pejecũoriquiro wahahye. Ohõ saha wahahye tiquiore mari pehe tiquiore yere pajiro mari cũoatire, tiquiore mehna mari sa ijiducuatire.

¹⁰Mũsare sa yahugũta niaja. Ohõ saha tãhotuaja yũhũ pehe: Ihcã cũhma wahare mũsa oho duagũ. Mũsa pehe pejecũoyequinare oho dua mũhtamedi. Sa yena tiquinare oho mũhtaborina ijimedi mũsa. ¹¹Sa yena mũsa ye duariro saha yojopũre sohtori tiya. Mũsa oho dua mũhtariro saha yojopũre quehnoano oho pehoya. Sa yena pajiro cũona ijina pajiro ohoya. Mehenogã cũona ijina mehenogã ohoya. ¹²Tutuaro mũsa oho duagũ tire mũsa ohorire Cohãcjũ bucuerota. Sa yena noho mũsa cũoro puno ohoya. Mũsa ohoro punota bucuerota Cohãcjũ. “Pejecũoyequinare mũsa cũoye yũhũoro ohoya”, mũsare nino niedare Cohãcjũ.

¹³“Pejecũoyequinare ohoya”, nigũ tiquinare pajiro cũo dutigũ niedaja. Sa yegũ mũsa pehere pejecũoro ye dueraja. ¹⁴Mũsare ihcãno saha cũo dutigũ sa nigũ niaja. Yojopũre mũsa pehe pajiro cũore. Sa cũona apee boro marieñequinare oho masine mũsa. Came mũsare apee boro mariedagũ tiquina gãhũ oho masine mũsare. Mũsa sa cahme ohona ihcãno saha cũonata ijipintina Cristo yequina. ¹⁵Ohõ saha nine Cohãcjũ yere tiquina ojoari pũpũ: “Pajiro nediquiro gãhũ apequina bui cjũnogã cũoerari. Mehenogã nediquiro gãhũre ne mehenogã dũhsaerari”, nine Cohãcjũ yere tiquina ojoari pũpũ.

Tito tiquiore mehna cjẽna mehna Corintopũ wahahye

¹⁶Sa ye mũsare yũhũ yedohoriro sahata Tito gãhũ mũsare yedoho duare. Cohãcjũ pehe tiquiore yedoho duagũ yeri tiquiore. Tiquiore sa yegũ ihñagũ

“Quehnoare”, niaja Cohăcjüre. ¹⁷Titore mŭsa cahapŭ ũsă waha dutigŭ tiquiro quehnoano mehna yŭhtiri. Sa yero tiquirore ũsă waha dutiatio pano tiquiro basita mŭsa cahapŭ tutuaro waha duariquiro iji tuhasari.

¹⁸Tiquirore apequiro Jesu yaquiro mehna piti dahrei ũsă tiquirore. Tito mehna cjŭnore ijipihtiyequina apequina Jesu yequina quehnoano ño peore. Quehnoañe buheyere tiquiro quehnoano yahuriquiro ijigŭ ihŭñañe tiquirore quehnoano ño peore. ¹⁹Sa ye Jesu yequina tiquirore cahmene ũsă mehna tiquiro tinino wahagŭ. Tiquina ye niŭnerure pejecŭoyequina cahapŭ ũsă neagŭ ũsă mehna wahatiquirore cahmene tiquirore. Sa ye ti niŭnerure ũsă ohogŭ ihŭñañe “Marine yedohoriquiro ijire”, nieta masa Cohăcjüre. ũsă sa ohona, tiquinare tutuaro mari yedoho duarire masigŭ yenata tiquinare. ²⁰Sa yena ahri niŭnerure, pajiro Jesu yequina tiquina ohorire neana, quehnoano ihŭña ihbonata tiquina ohorire, “ũsăre yahusări”, nina. ²¹Mari pŭhtoro tiquiro ihŭnonopŭ queoro, quehnoano ye duaja ũsă. Sa yena masa tiquina ihŭnono gŭhŭre queoro ye duaja.

²²Sa yena tana apequirore mari acayurore ohonatja Tito gŭhŭ mehna. ũsă piti dahreriquirore peye tahari apequinare tiquiro quehnoano yedohogŭ ihŭñaŭ ũsă. Sa yero yojopŭre mŭsa pehe apequinare mŭsa yedoho duagŭ ihŭñaŭ to pano tiquiro yeriro yŭhdŭoro quehnoano mŭsare yedoho duare. ²³Tito pehere mŭsare yahutja. Tiquiro yŭhŭ mehna cjăno ijire. Mŭsare yŭhŭ yedohogŭ tiquiro yŭhŭ mehna dahrariquiro ijire. Apequina tiquiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquirore ño peoatire. ²⁴Sa yena cahŭno mehna quehnoano mehna tiquinare piti caya mŭsa. Mŭsa sa yegŭ ihŭñañe apequina Jesu yequina quehnoañequina pehe mŭsa cahŭñene masieta. “Quehnoano piti caeta Corinto cjăna”, ni yahu tuhasaŭ apequinare. Mŭsa sa quehnoano piti cagŭ ihŭñañe tiquina ũsă yahuri poto ijigŭ masieta apequina Jesu yequina.

Jesu yequinare pejecŭoyequinare tiquina ohoatire yahuahye Pablo

9 ¹Sa yena Cohăcjŭ yequinare mŭsa yedohoatire mŭsa ohoatire masi tuhasare mŭsa. ²Apequinare mŭsa yedoho duagŭ masiaja yŭhŭ. Sa masigu Macedonia yehpa cjănare ohŭ saha ni yahu: “Corinto cjăna Jesu yequina pehe apequinare yedoho dua tuhasari. Ihcă cŭhma yŭhdŭre tiquina yedoho duari”, ni yahu tuhasaŭ tiquinare. Mŭsa sa yedoho duagŭ tuhoye peyequina tiquina gŭhŭ pejecŭoyequinare yedoho duari. ³Mŭsare sa ni yahugŭ yojopŭre ahriquinare mari acayere mŭsa cahapŭ ohogŭ tagŭ niaja, yŭhŭ yahuriro saha mŭsa yeato. Sa yegŭ pejecŭoyequinare mŭsa ohoatire mŭsa cahmecoa cŭoyuatire ahriquinare ohogŭ niaja. ⁴Tiquinare ohoeragŭ Macedonia yehpa cjăna mehna mŭsa cahapŭ esagŭ, mŭsa ohoatire mŭsa cŭoeragŭ ihŭnagŭ bŭe tisăboaga yŭhŭ mŭsare. “Pejecŭoyequinare ohoeta”, mŭsare yŭhŭ ni tuhoturi bato mŭsa ohoeragŭ ihŭnagŭ bŭe tisăboaga yŭhŭ. Mŭsa gŭhŭ buoro yŭhdŭboaga. ⁵Sa yegŭ mŭsa cahapŭre yŭhŭ esato pano tiquinare mari acayere oho mŭhtagŭ niaja. “Pejecŭoyequinare ohonatja”, to pano mŭsa nidire mŭsa cŭoyuatire tiquinare oho mŭhtagŭ niaja.

Musa ohoatire musa cahmecoagũ tiquina pehe musare yahueta. Musa ohoatire musa cuoyu tuhasagũ bucueye mehna musa oho duari ijigũ masiitja.

⁶Sa yena ahrire wacũna musa: Meheñe pjerigã oteriquiro meheñe pacagã nenota. Peye pjeri oteriquiro peye paca nenota. (Ohõ saha ijire pejecuoyequinare mari ohogũ. Mehenogã mari ohogũ, Cohãcjũ mehenogã ohorota marine. Pajiro mari ohogũ, pajiro marine ohorota.) ⁷Sa yena ihquẽquina musa “Ohõ puno ohonatja”, ni ohoya. Cahĩno marieno ohoya. “Marine oho dutiri”, nino marieno ohoya. Bucueye mehna ohoyequinare cahĩne Cohãcjũ. ⁸Tiquiro pehe musa cahmeno yũhdũoro musare ohorota. Sa yena ijipihitiye musa cahmemedire dũhsaro marieno cuo pehonata. Sa yero apequinare musa ohogũ gũhũre quehnoano esa tuharota musa cuoye. ⁹Sata nine Cohãcjũ yere tiquina ojoari pũpũ:

Pejecuoyequinare pajiro ohore tiquiro. Quehnoano mehna masare sa yeducure tiquiro, nine tiquiro yere tiquina ojoari pũpũ.

¹⁰Sa yero oteye dũca tiri bato oteriquiro tiquiro oteati capere ohore Cohãcjũ. Came tiquiro oterire dũca tigũ yere tiquiro ihyatire. Pejecuoyequinare musa pajiro ohogũ oteriquirore tiquiro ohoriro saha musa gũhũre pajiro ohorota Cohãcjũ. Sata musare ohorota pejecuoyequinare musa oho nemoatire. ¹¹Sata ijire. Pajiro ohorota musare apequinare pajiro musa sa ohoducuatire. Sa ye musa oho dutirire pejecuoyequinare usã ohogũ peyequina tiquina pehe Cohãcjũre bucueye mehna “Quehnoare”, nieta. ¹²Sa yena pejecuoyequinare Cohãcjũ yequinare ohona, tiquinare yedohore musa. Sa yedohona bucueye mehna Cohãcjũre “Quehnoare”, tiquina nigũ yenata musa. ¹³Sa musa apequinare yedohogũ ihñañe, Cohãcjũre ño peoye mehna yahuducuetã masa. Sa ye tiquinare apequina gũhũre pajiro musa ohogũ ihñañe Cohãcjũre “Quehnoa yũhdũgu ijire mũhũ”, nieta masa. Ohõ saha nieta Cristo buheye quehnoañe buheye ti nidiro sahata musa yegũ ihñañe, tiquinare musa ohogũ ihñañe. ¹⁴Sa ye Cohãcjũ musare tiquiro paja ihñano sahata musa gũhũ tiquinare musa paja ihñagũ tiquina pehe musare cahmeeta. Sa cahmeñe musare sini basaeta Cohãcjũre. ¹⁵Cohãcjũ marine quehnoa yũhdũaro yerota. Tiquiro sa yeatire masina “Quehnoa yũhdũare”, niilha mari tiquirore.

Jesu cũriquiro tiquiro ijiyere yahuahye Pablo

10 ¹Yojopũre yũhũ Pablo, musare yahutja. Ihquẽquina musa mehna cjẽna ohõ saha nine yũhũre: “Mari mehna ijiro apequinare yũhdũdũca dueriquiro, ihyo ijiriquiro yero saha ijire. Sa ijieperota ape siepũ ijiro marine cuero marieno tuhti ojoadoqueore”, nine musa ihquẽquina yũhũre. Cristo pehe ne usueriquiro, masare quehnoano yeriquiro ijire. Tiquiro yero saha yũhũ gũhũ iji duaja. ²Sa yegũ musare ahrire tutuaro mehna yahutja: Musa cahapũ yũhũ esagũ quehnoano yeya musa “Pablo usãre tuhtiari”, nina. Ihquẽquina yũhũre ohõ saha nine: “Tiquiro esa tuharo, Cohãcjũ dutiro marieno yere”, nine yũhũre ihquẽquina. Sa niñequina pũritare tuhtiyoaga yũhũ.

³Usã gũhũ ahri yehpa cjãnata ijina niaja. Sa ijiepenata ahri yehpa cjẽna tiquina esa tuharo tiquina yero saha yeraja usã. ⁴Surara cahme wejẽ tiquina

yuhduducariro saha usã pehe ñañene yuhduduca duaja. Ti ñañene ye dueraja. Usã sa yegũ usã wamoa ahri yehpa cjëna tiquina wamoa yero saha ijierare. Surara tiquina wamoare tiquina curo saha usã pehe Cohãcjũ tutuayere curoaja. Ti tutuaye mehna Cohãcjũre cahme dutieyequinare cohãja usã. Masa tiquina esa tuharo tiquina masiñene ti duhseati ti ijieragũ masigũ yeaja usã ti tutuaye mehna. ⁵Sa yena ijipihitiyequina tiquina esa tuharo tuhutueyequinare Cohãcjũre tiquina masi dutierarire duhugũ yeaja usã. Sa yena ti tutuaye mehna Cohãcjũre cahmeeñequinare Cristore quehnoano yuhtiyequina tiquina ijigũ yeaja usã. Cristo cahmeno saha tiquinare tuhutugũ yeaja usã. ⁶Sa yena apequina musa mehna cjëna Cristore tiquina yuhduducagũ ihñana tiquinare buhiri dahrenatja usã. Musa pehe musa quehnoano yuhtiri bato Cristore yuhduducayequinare sa buhiri dahreatinata ijinata musa.

⁷Yũhu pagũ dihitarre masine musa. Yũhu ijije tiye pehere ne masiedare musa. “Cristo yequina ijiaja”, nina ijina, ohõ saha masiña musa: Usã gũhu musa yero saha Cristo yequinata ijiaja. ⁸“Mari puhtoro ye buheyere quehnoañe buheyere buhe dutiro, cõri usãre”, nigũ peye tahari musare sa ni yahuepeguta bæ tieraja yũhu. Usãre sa buhe dutiro musare yedohoanajare cõri usãre. Musare dojomehneanajare cõno niedari usãre. ⁹Ohõ saha poto ni yahuaja musare “Cueari”, nigũ. Ahri yũhu ojoari pũre ihñana musa ihña mariagũ cahmedaja. ¹⁰Ihquẽquina musa mehna cjëna ohõ saha nine: “Pablo ojoaro dũsero purĩniquiro yero saha ojoa mujare marine. Sa ijiriquiro ijieperota mari mehna ijiro ne sa ijiaja niediquiro ijire. Pejecũriquiro yero saha ijire. Sa yero marine tiquiro yahuducuye duhseati ijierare”, nine ihquẽquina. ¹¹Sa niñequinare ohõ saha ni yahutja: Musare usã ojoa ohoriro sahata yahunatja musare musa cahapũ ijina. Sa yena “Ohõ saha yenata”, usã ni ojoariro sahata yematja usã, musa cahapũ ijina.

¹²Ihquẽquina musa mehna cjëna “Quehnoano masi pehona ijiaja”, ni yahuducure tiquina basi. Yohou, quehnoa yuhduaro masiñequina ijiajari tiquina sa ni yahuducuye. Usã pehe tiquina yero saha ne sa nisi. Tiquina basi cahme ihña piti ca “Mari pehe quehnoa yuhduducana ijiaja”, nine tiquina basi. Sa ni maca cãñe nine tiquina basi. ¹³Usã pehe tiquina yero saha yesi. Cohãcjũ usãre buhe duti tiquiro cõri dihitarre yahuaja usã pehe musare. Apequina ye dahrayere “Yei”, nina niedaja. Cohãcjũ musare buhe dutiro usãre cõri. ¹⁴Ohõ saha nina, ni mehona niedaja usã. Quehnoañe buheyere Cristo yere musare buhe muhtana esau usã. ¹⁵Sa yena apequina ye dahrayere “Usã pehe tire yei”, ne niedaja usã. Sa yena Cristore musa wacũ tutua nemoagũ cahmeaja usã. Sa cahmena musare buhe nemo duaja usã. Sa buhena Cohãcjũ tiquiro cõriro punota buhe duaja musare. ¹⁶Sa yena musa ya yehpa yuhduropũ quehnoañe buheyere yahuna wahanatja. Sa wahana apequina tiquina buheri bato esana, “Usã buhei”, nisi usã.

¹⁷Mari yerire “Usãta yeaja”, niedaro cahmene. Mari puhtoro Jesu tiquiro yeri pehere ihñana bucuero cahmene. Ti pehere apequinare yahuro cahmene. ¹⁸Masa tiquina basi “Usã pehe yei”, tiquina nigũ bucuere Cohãcjũ. Mari puhtoro Cristo “Ahriquina quehnoano yeri”, tiquiro ninohriquina pehere bucuere Cohãcjũ.

“Jesu cūrina ijiaja usā”, ni mehoñequinare yahuahye Pablo

11 ¹Yūhu ijije tiyere yahugu tuho masiegu yero saha yahugu niaja. Yūhu ijije tiyere yahugu mehenogā bue tiaja. Sa yahurigu yūhu ijiepegūta yūhure tuhōrīna mūsa yojopure. ²Cohācǵū musare tiqiro cahīno saha tutuaro cahīaja yūhu gūhu musare. Sa yegu musare cuesāja yūhu “Ñañene yeari”, nigū. Nuhmino omoca dūhteaticoro umūno mehna ijiericoro quehnoaricoro ticoro ijiro saha quehnoana mūsa ijigū tutuaro cahmeaja, Cristo dihitare musare cahme dutigu. Sa yegu Cristo cahapū mūsa wahagū ñañe mariena mūsa ijigū cahmeaja.

³Apequina ñañequina musare ni mehoñe, sijoro saha ijije buheyere cahmegū yeboaga musare. Pinono Evare ni mehono tiqiro masiñe mehna ticorore Cohācǵure yūhdūdcagū yeahye panopure. Tiqiro sa yeriro sahata yojopure ñañequina musare ni mehoñe, Cristore musare quehnoano ño peeragū yeboaga. Sa yegu musare cuesāja. ⁴“Ohō saha ijiriquiro ijire Jesu”, tiquina esa tuharo sijoro saha ni meho buhepegūta tuhomene mūsa. Musare usā buheriro saha ijierapegūta musare ni meho buheyequinare tuhomene mūsa. Sa yena “Ohō saha ijiriquiro ijire Espīritu Santo”, tiquina esa tuharo sijoro saha ni meho buhepegūta tuhomene mūsa. Usā musare buheriquiro Espīritu Santo waro ijire. Tiqiro pehere queoro tiquina yahuerapegūta musare ni meho buheyequinare tuhomene mūsa. Tiquina sijoro saha ijije buheyere tiquina ni meho buhegū quehnoañe buheyere tiquina buherapegūta tire tuhomene mūsa.

⁵Mūsa mehna cǵēna “Jesu cūrina ijiaja”, nimediquina yūhure masi yūhdūdcāerare. Tiquinare docadūcaeraja yūhu. ⁶Quehnoano yahu mihnigū ijieraboaga yūhu. Quehnoano yahu mihniedapeguta Cohācǵū yere quehnoano masiaja. Yūhu sa masiñene peye tahari musare quehnoano masigū yei.

⁷Quehnoañe buheyere Cohācǵū yere musare buhegu ne wapa cahmedū. Musare yedoho duagu wapa cahmedū. Ihyo ijiriquiro yero saha ijii yūhu. ¿Yūhu sa wapa cahmedagū quehnoaedajari, mūsa tuhōtugū? ⁸Musare yūhu buhegū apeye macari cǵēna Jesu yequina yūhure niñerure ohori. Tiquina sa ohogū ti niñerure ñehei sinino marieno musare buhegu tagū. Mūsa pehe yūhure mūsa ohoborire tiquina pehe yūhure ohori. ⁹Mūsa mehna ijigu apee boro yūhure dūhsaepegūta musare niñerure ne siniedū. Mari acaye Macedonia yehpa cǵēna Jesu yequina ijipihtiye yūhu cahmedire ne wihiri yūhure. Panopure musare ne cariboeru yūhu. Cameru gūhure musare ne caribosi. ¹⁰Cristo potota tiqiro yahuriro sahata yūhu gūhu yojopure musare potota yahugu niaja. Ijipihtiro Acaya yehpapū ijieyequinare ahri musare yūhu siniedarire sa yahuducugūta. ¹¹¿Musare yūhu siniedarire apequinare yūhu sa yahuducugū tuhona, dūhse tuhōtuajari mūsa? ¿“Pablo sa yahuro usāre cahīedaro niaga”, ni tuhōtubogari mūsa? Ijierare. Musare cahīaja. Musare yūhu cahīgū Cohācǵū masine.

¹²Wapa cahmeno marieno musare yūhu buhe dūcariro sahata sohtori tiitja. Yūhu buheri wapa yūhu wapa negū ihñañe tiquina “Jesu cūrina ijiaja”, ni mehoñequina ohō saha niboaga: “Pablo quehnoañe buheyere buhero,

wapa cahmene. Sa yena usã gũhu tiquiro yero sahata yematja”, niboaga tiquina wapa cahmeñe. ¹³Tiquina potota Jesu cūriquina waro ijierare. Tiquinare ne cūdari tiquiro. “Jesu cūrina ijiaja”, ni mehoñe, usã yero saha ijimene. ¹⁴Tiquina sa ni mehoñequina ijigũ masi tuhasaja yũhu. Satana gũhu quehnoariquiro yero saha comesa mũjare. Tiquiro angel asi siteriquiro yero saha iji duaro comesamene. ¹⁵Tiquiro sa yeriquiro ijigũ masigũ, Satanare yedohoyequina “Jesu cūrina ijiaja”, ni mehoñequina Cohãcjũre yedohoyequina yero saha tiquina comesagũ ihñagu, ni mehoñequina tiquina ijigũ masi tuhasaja yũhu. Yojoþure tiquina sa comesaepẽgũta pihitiri deco ijigũ ijipihitiye tiquina ñano yeri buhirire buhiri dahrerota Cohãcjũ tiquinare.

Tiquiro ñano yũhdũrire yahuahye Pablo

¹⁶Pari turi ahrire mũsare yahutja. Ne “Tũho masieniquiro ijire”, yũhũre niedacãhña. Yũhu sa ni dutierapegũta yũhũre mũsa sa ni tũhotugũ quehnoanota yũhũre. “Tũho masieniquiro ijire”, yũhũre ni tũhotuepenata tũhorĩna mũsa yũhũre. Mehenogã yũhu ijije tiyere yũhu yahugũ tũhoya mũsa. ¹⁷Mũsare sa yahugũ tũho masiegũ yero saha yei niaja. Yũhu ijije tiyere yahugũ mehenogã bũe tiaja. Mari pũhtoro Jesu yũhũre “Mũhu basi mũhu ijije tiyere yahuya”, niedare yũhũre. ¹⁸Tiquiro sa niedapegũta ahrire yahutja mũsare. Tiquina esa tuharo “Quehnoana ijiaja”, niñequina tiquina ijigũ ihñagu yũhu gũhu yũhu ijije tiyere mũsare yahutja. ¹⁹Mũsa pehe tũho masieñequinare tũhona bucueye mehna ihñare mũsa tiquinare. Quehnoa yũhdũaro masina ijiajari mũsa pehe sa tũhona. ²⁰Mũsare cahacjãna tiquina yegũ, mũsa yere tiquina ehmagũ, sa ihña cãhre mũsa. Sa yena mũsare tiquina doca cũgũ, mũsa wahsupurire tiquina quẽgũ sa tũhotu cãhre mũsa. ²¹Quehnoa yũhdũaro yeajari mũsare tiquina. Usã pehe tiquina yero saha yũhdũducaeraja.

Sa yena tiquina yero saha yeraja. Tiquina yero saha ijierapegũta tiquina “Ohõ saha ijina ijiaja”, tiquina nigũ tũhogũ yũhu gũhu sata ni yahuboaga. Pari turi bũe tiepegũta ohõ saha ni yahutja mũsare tja. ²²Tiquina “Hebreo masa ijiaja”, nine apequinare masi yũhdũduca duaye. Hebreo masuta ijiaja yũhu gũhu. “Israe masa mari Pacu tiquiro beserina ijiaja”, nine tiquina pehe. Tiquina yero saha tiquiro beserigu ijimaja yũhu gũhu. “Abrahã panamena iji turiana ijiaja”, nine tiquina tja apequinare masi yũhdũduca duaye. Tiquina yero saha Abrahã panami iji turiagũta ijimaja yũhu gũhu. ²³“Cristo cahacjãna ijiaja”, nine tiquina pehe. Yũhu gũhu Cristo cahacjũta ijiaja. Tiquina yũhdũoro Cristo yere quehnoano yeaja yũhu. Yohou, sa nigũ tũho masieniquiro yero saha yahuducugũ niaja. Sa yahuducugũ mehenogã bũe tiaja yũhu. Tiquina yũhdũoro tutuaro dahraũ yũhu Cristo yere yegũ. Peye tahari tiquina yũhdũoro Cristo yaquiro yũhu ijiri buhiri peresu yeri apequina yũhũre. Tiquina yũhdũoro peye tahari tanari yũhũre masa. Tiquina yũhdũoro Cristo yaquiro yũhu ijiri buhiri masa yũhũre wejẽ duamedi. Sa yegũ mehenogã yũhdũũ yariaborigu. ²⁴Ihcã omope tahari judio masa yũhũre ñehedi. Yũhũre tiquina ñehepe tahari treinta

y nueve tahari yũhũre tanari. ²⁵Ihtia taha apequina yũhũre ñehedi. Sa ñehẽẽ tiquina pũrita yũhũre ñano yucũri mehna quẽdi. Ape taha yũhũre apequina ẽtã paca mehna doqueri. Ihtia taha yucũsa mehna ẽtãpũ doque quehe sa, minii. Sa yegũ ihcã deco, ihcã ñami taboa pji bui pajiri ma decorũre ba pahsaũ. ²⁶Peye tahari macaripũre buhe tinigũ esaũ. Yũhũ sa buhe tinigũ cua yũhũdũari yũhũre. Yũhũre minino cua yũhũdũari. Yũhũre apequina yaquero cua yũhũdũari. Ya dihta cẽna judio masa, judio masa ijieyequina gũhũ yũhũre ñano yero cua yũhũdũari. Macaripũ, masa marienopũ, pajiri mapũ gũhũre yũhũre yariaro cua yũhũdũari. “Mũhũ mehna cãna ijiaja”, ni mehoũnequina gũhũ yũhũre ñano yero cua yũhũdũari. ²⁷Cristo yere yegũ tutuaro dahrae tii. Sa dahragũ ñano wahyie tii. Peye tahari yũhũre wũjua ñano puriẽpegũta sa dahraducue tii. Ñano ỹjua ahbae tii. Sa yegũ ñano aco wũoe tirũ. Peye tahari ihyaye bocaera tii. Yũhũ suhti saũaboye gũhũ ne marieda tiri yũhũre. Sa yero yũhũre yũsua yũhũdũe tirũ.

²⁸Sa ñano yũhũdũepẽgũta decoripe ijipihtiyequina apequina Cristo yequinare, mũsa gũhũre pajiro wacũ tuhotuaja. ²⁹Sa yegũ ihcãquiro Cristo yaquiro tiquiro sa iji cãriquiro ijigũ ihũagũ bujua witiaja. Apequina Cristo yaquirore ñano ye dutiboaga. Tiquina sa yegũ ihũagũ Cristo yaquirore cuesãgũ, tiquina ñaũnequina mehna usuaja.

³⁰Yahu duerapẽgũta yũhũ ijieye tiyere yahugũ tagũ, yũhũ esa tuhãro tutuegũ yũhũ ijieye tiyere mũsare bucueye mehna yahuaja. ³¹Cohãcjũ mari pũhtoro Jesu pacũro decoripe mari ño peoatiquiro tiquirota mũsare yũhũ ni mehoedagũ masine. Ahrire mũsare poto yahutja. ³²Damasco wame tiri macapũ yũhũ ijigũ ihũano, ihcãquiro pũhtoro yũhũre ñehẽ duamedĩ. Ijipihtiyequina masa pũhtoro Areta wame tiriquiro doca ijiriquiro pũhtoro pũrita yũhũre ñehẽ duamedĩ. Sa ñehẽ duaro ti maca cã sahrĩno sopecaharipe surarare cohte dutimedĩ. ³³Tiquina sa cohteri watoata yũhũ mehna cẽna pajiri pũhũdupũ yũhũre duhu sã, ti sahrĩno cã sopecahagãpũ yũhũre duhu dijiori. Ti sahrĩno behero pehepũ yũhũre duhu dijiori. Tiquina sa duhu dijiori bato duhti cã wahau.

Pablo Cristo tiquiro ihũõrĩre yahuahye

12 ¹Yũhũ ijieye tiyere bucueye mehna yũhũ yahugũ dũhseati ijierare. Sa ni yahugũ mehenogã bũe tiepẽgũta yahu nemoutja mũsare. Mari pũhtoro Jesu yũhũre tiquiro ihũõrĩre tiquiro masigũ yerire yahutja mũsare. ²Ohõ saha ihũõ dũcari tiquiro yũhũre: Catorce cũhmari waro wahare yũhũre Cristo yaquirore ỹhmũsepũ tiquiro ne mũjari bato. ỹhmũsepũ ñahpicoha buipũ yũhũre ne mũjari. Yũhũ jeripohna dihitare tiquiro negũ masiedaja yũhũ. O yũhũ pagũ gũhũre tiquiro negũ masiedaja. Cohãcjũ dihita tire masine. ^{3,4}Sa yero paraĩso wame tiropũ ne mũjari yũhũre. Yũhũ jeripohna dihitare tiquiro negũ masiedaja yũhũ. O yũhũ pagũ gũhũre tiquiro negũ masiedaja. Cohãcjũ dihita tire masine. Tiquiro sa ne mũjagũ esagũ topũre tiquiro yahurire tuhõu. Ti yũhũ tuhõrĩre masa ne masiedare. Tiquiro yahurire yahu dutierare.

⁵Ohō saha yūhure tiqiro ihñorire mūsare yahugū, “Yūhū ihcūta apequinare yūhdūcaja”, niboaga yūhū. Sa niedaja yūhū. Yūhū esa tuharo masiegu yūhū ijijere, yūhū tutuegu yūhū ijijere bucuegu mūsare yahutja. Ti dihitare bucuegu mūsare yahutja. ⁶“Apequinare yūhdūcaja”, mūsare ni yūhū yahu duagū yūhū nidi potota ijiboaga. Sa yegu sa ni yahugū tuho masiegu ijieraboaga yūhū. Sa ijierapegūta “Ohō saha apequinare yūhdūcaja”, ni yahusi yūhū mūsare, “Cua pesa yūhūaro yūhure ihñari”, nigu. Yūhure ihña masina ño peore mūsa. Mūsa ño peopegūta ti yūhdūoro yūhure mūsa ño peogū cahmedaja.

⁷Cristo quehnoa yūhdūayere ūhmūserē yūhure tiqiro ihñogū ihñarigu ijigu, “Apequinare yūhdūcaja”, niboaga yūhū pehe. Sa yūhū niedatire Satana yūhū pagure tiqiro duti dahregū ihñano “Quehnoanota”, nidi Cohācjū. Yūhure duti dahreri Satana yūhure ñano wahagū yero. Ahri dohatiyē pota sajāno purīno saha yūhure purīne. ⁸Ohō yūhū dohatiyere yūhure yūhdūo dutigu sinie timi Cristore mari pūhtorore. Ihtia taha sinimi. ⁹Ohō saha ni yūhtie tiri yūhure tiqiro: “Ohō mūhū dohatiyē pūritare mūhure yūhdūosi yūhū. Sa mūhure yūhdūoerapegūta mūhure cahīaja. Yūhū cahīne mehna quehnoano ijiita mūhū. Dohatigu tutuegu ijigu yūhū tutuayere quehnoano ihñogūta mūhū. Tutuayequina yūhdūoro mūhū pehe yūhū tutuayere masare masigū yeita mūhū”, ni yūhtie tiri tiqiro yūhure. Tiqiro sa nigū tuhogu tutuegu yūhū ijirire masigu bucueaja. Sa yegu tutuegu yūhū ijijere mūsare bucueye mehna yahutja. Ohō saha ni yahutja Cristo tiqiro tutuaye pehere mūsare yūhū quehnoano masigū yeatire.

¹⁰Sa yegu Cristo yaqiro yūhū ijiri buhiri yūhure purīepēgūta bucueaja. Apequina ñano yūhure tiquina yahu wajaepēgūta, ña yūhdūaro yūhdūepēgūta bucueaja. Yūhure tiquina ñano yeducuepēgūta yūhure bujūa witigū tiquina yepegūta bucueaja yūhū. Sa ñano yūhdūepēgūta Cristo tutuaye mehna ihcāno sahaja, tiqirore wacū tutuagu. Sa yegu bucueaja.

Corinto cjenare Cristo yequinare pajiho bujua witi tuhutuahye Pablo

¹¹Yūhū ijijere tiyere yahugū mehenogā bue tiaja yūhū. Yūhū sa yahuepēgūta ti mūsa ye buhiri ijire. Mūsa pehe yūhū ijijere tiyere apequinare quehnoano yahuboaga. Yūhū esa tuharo ijigu dūhseacjū ijieraboaga yūhū. Sa ijiborigu ijiepegūta “Jesu cūrina, masi pehona ijiaja”, ni mehoñequinare docadūcaeraja yūhū. ¹²Potota ñano yūhdūrigu ijiepegūta Cohācjū tutuaye mehna ye ihñomi mūsare. Sa ihñogu Jesu cūrigu yūhū ijijere ihñogu nimi mūsare. ¹³Apeye macari cjenare Jesu yequinare mūsa gūhure ihcāno saha yee timi yūhū. Sa yepegūta mūsa pehere sijoro saha cjūnogā yemi. Mūsa dihitare cariboerami. Mūsa dihitare apee boro gūhure siniedami. ¿Yūhū sa siniedagū ñaniajari, mūsa tuhutugū? Ti ñañe ijigū ti ñañene boya mūsa yūhure.

¹⁴Ahri yūhū yahuatire tuhoya mūsa. Pua taha mūsa cahapū yūhū esari bato pari turi waha duaja tja. Topū esagu mūsare caribosi yūhū. Apee borore sinisi yūhū mūsare. Mūsa yere cahmedaja. Cristo ye pehere mūsa yūhtigū cahmeaja yūhū. Masa pohne pehe tiquina pacusūmūare tiquina cahmeñene

ohoerare. Tiquina pacusumua pehe tiquina pohne cahmeñe pehere ohore. Ohõ saha mûsa yuhû pohna yero saha ijina yuhû cahmeñe pehere ohosi mûsa. ¹⁵Sa yegû yuhû pûrita yuhû cuoye pehere oho duaja mûsare yedohogu tagû. Mûsa cahacjûno yero saha iji duaja mûsare yedohogu tagû. Mûsa pehere yuhû tutuaro cahiepegûta yuhû pehere mûsa mehenogã cahine, yuhû tuhotugû.

¹⁶Sa yegû mûsa mehna ijigû mûsare cariboeru. ¿Sata ijiyari yuhû, mûsa tuhotugû? Yuhû sa ijiepegûta ihquẽquina mûsa mehna cjena ohõ saha niboaga: “Pablo apee borore marine ne duaro ni mehorî marine”, niboaga. ¹⁷¿Mûsa sa nidiro saha yerigû ijigû, dahse tire yeari yuhû, mûsa ihñagû? ¿Mûsa cahapû yuhû ohoriquina yabe borore yuhure ni meho ehma basari tiquina mûsare, mûsa ihñagû? Ni meho ehmedari jiri. ¹⁸Sohõ ijiri pjerû mûsa cahapû Titore waha duti tuhasaû tiquirore. Sa yegû apequirore Cristo yaquirore tiquiro mehna piti dahre ohou. ¿Tito apee borore mûsare ni meho ehmarî, mûsa ihñagû? Ni meho ehmedari jiri. Tiquiro yuhû yero saha Cohãcjû cahmeno saha yeriquiro ijire. ¿Sa yero yuhû yero saha yerari tiquiro, mûsa ihñagû? Yuhû yero saha yeri jiri.

¹⁹“Ñano yeraja usã”, ni cahmotana niedaja usã. Cristo yequina ijiaja. Sa yena Cohãcjû tiquiro ihñonopû mûsare yahuna niaja. Yuhû acaye, yuhû cahina, mûsare yahuu mûsa pehere yedoho duana. Mûsare yahuna, usã pehere mûsare cahmegû yena niedû. ²⁰Topû yuhû esagû yuhû cahmeno saha yerapena ijiboaga mûsa. Sa yegû mûsare tutuaro cuesãja. Sa yegû mûsa cahmeno saha yerigû ijieraboaga yuhû gûhû, topû esagû. Sijoro saha mûsa yegû ihñagu yahutja mûsare. Topû yuhû esagû mûsa pehe cahme duse tini wiana, apee boro tiquina cuogû ihña coona, duita usuana, mûsa esa tuharo apequinare yuhduduca duana, apequinare ñano yahuducuna, ñano quiti yena, “Apequinare masi yuhduducaja”, nina, mûsa cahmecoanore dojomehnena ijiboaga mûsa. “Tire yeari”, nigû cuesãja yuhû mûsare. ²¹Topû yuhû esagû yuhure mûsare bæe tisãgû yeboaga Cohãcjû. Sa yegû ijipihtiequinare panopû ñano yeyequinare, tiquina ñañene bujua witeyequinare ihñagu, tutuaro bujua witiitja yuhû. Numia mehna ñano yeyequinare, umua mehna ñano yeye numiare, wuana tiyequinare, ñañene tutuaro cahmeñequinare ihñagu bujua witiitja yuhû.

Pablo yahu bato tiahye

13 ¹Yojopûre mûsa cahapû wahagu ihtia taha esagutja topûre. Pua taha topûre esa tuhasaû. Sa yegû mûsare ahrire yahutja. Ohõ saha nine Cohãcjû yere tiquina ojoari pûpû: “Ihcãquirore mari buhiri dahreato pano ihtiaro tiquirore yahusãno cahmene. Ihtiaro mariedagû puaro tiquirore yahusãno cahmene. Tiquina sa yahusãri bato buhiri dahre masiaja mari”, nine Cohãcjû yere tiquina ojoari pûpû. ²Panopûre ñano yerina mûsa ijigû mûsare, ijipihtiequina apequina gûhure pari turi ahrire cuaro mehna yahutja. Ihcã taha mûsa cahapû pari turi esagû mûsare ahrire yahuu. Yojopûre mûsa mehna

ijieragü pari turi müsare ahrire yahutja: Yojoþure müsä cahapüre esagü, ñano yeyequinare potota buhiri dahregütja yuhü. ³Sa yeitja Cristo yuhü mehna tiqiro buherire müsä ihño dutigü. Cristo pehe müsare dutiriquiro tutua yuhduariquiro ijire. Sa yero tiqiro tutuayere ihñore müsare. ⁴Mari yero saha pagü tiro, tiqiro tutueriquiro ijiro, curusapü yariahye. Sa yarieperota Cohäcjö tutuaye mehna catiriquiro ijire tiqiro yojoþure. Tiquiro curusapü ijiro tiqiro tutuerariro saha usä gühü tutuena ijiaja. Sa yena usä esa tuharo müsare yedoho masiedaboaga. Sa yena Cohäcjö tutuaye mehna injinata müsare yedohona tana.

⁵Sa ye müsä pehe müsä basi ohö saha ni tuhötuya. “¿Potota Cristore wacü tutuajari yuhü?” ni tuhötuya müsä. ¿Potota Cristo müsä mehna cjëno ijiajari? Tiquiro ijieragü tiqiro yequina waro ijierare müsä. Tiquiro yequina ijierana ni mehona ijire müsä. ⁶Usä pehe “Jesu yequina ijiaja”, ni mehona ijieraja. Tiquiro yequina waro ijiaja usä. Tire müsä masigü cahmeaja yuhü. ⁷Sa yegü müsä ñano yeratire Cohäcjüre sini basaja müsare. Sata sini basaja usä müsä quehnoañene müsä yeatire. Músä sa yegü ihñana usä ohö saha niþoaga: “Usä pehe tiquinare quehnoañequina wahagü yei usä”, niþoaga usä apequinare usäre ño peo dutina. Sa ño peo dutieraja usä. Sa yena Cohäcjüre sini basana, müsä ye ijiatire sini basana niaja. Apequina usäre “Ni mehoñequina ijire”, tiquina niepegüta quehnoañene müsä yegü þuritare cahme yuhduaja usä. ⁸Ijipihtiye müsä quehnoañene yegü cahmeaja usä. Cohäcjö yere quehnoañene dojomehne masiedaja usä. ⁹“Cristo cahmeñene yeaja usä”, ni ihño masiedana, tutueyequina yero saha ijiboaga usä, müsä ihñagü. Quehnoanota. Quehnoañene yena müsä pehe tutuana ijire. Músä sa ijigü ihñana tutueyequina yero saha usä ijiepenata bucueaja. Sa yena quehnoana müsä wahatire Cohäcjüre sini basana niaja usä müsare. ¹⁰Sa yegü müsä mehna ijieragü müsare ahri þüre ojoayugü niaja. Músä cahapü esagü, müsä ñano yerina ijigü ihñagü müsare buhiri dahreitja. Cristo yuhüre tiqiro dutiriro sahata müsare buhiri dahreitja. Yuhü sa buhiri dahreratire ahri þüre müsare ojoayugü niaja. Cristo yuhüre tiqiro dutiriro sahata müsare yedohoacjü ijiaja. Músare dojomehneacjü ijieraja.

¹¹Yojoþure, yuhü acaye, müsare quehnoa dutiaja. Cristore wacü tutua nemoña. Sa yena quehnoana ijiaja. Músare yuhü yahurire quehnoano tuho nññña. Músä mehna cjëna mehna ihcäno mehna ijiaja. Músä basi quehnoano mehna ijiaja. Músä sa ijigü ihñano müsä mehna Cohäcjö ijirota. Tiquiro marine cahme cahigü yeriquiro, marine quehnoano mehna ijigü yeriquiro ijire. ¹²Sa yena müsä mehna cjënare quehnoano bucueye mehna piti caya. ¹³Ijipihtiyequina ohö cjëna Cohäcjö yequina müsare quehnoa dutire.

¹⁴Mari þüthoro Jesucristo mehna müsare ijipihtinare quehnoa dutiaja. Sa yegü Cohäcjö mari Pacü tiqiro cahñe mehna ijipihtina müsare quehnoa dutiaja. Sa yero Espíritu Santo ijipihtina müsä mehna quehnoano ijire.